

► Na opinion di FTA y IOWUA  
**E "comedia" pa trata di haya  
 trahador local dilanti porta di  
 Coastal ta un falta di respet ► 3**

**Operador di  
 Excelsior Casino  
 ta intimidando su  
 trahadornan ► 8**

# BON DIA

## Aruba

FRASE DIDIA

"Feliz ta  
 esnan cu sa di  
 respecta  
 cosnan di  
 tempo bieuw"  
 J.L.

Diasabra, 21 April, 2001

email: noticia@bondia.com

1 Florin

# Prins Willem Alexander a logra cautiva interes y atencion di nos pueblo



**ORANJESTAD** - Awe mainta pa 10:15, Prins Willem Alexander ta culmina su bishita cortico di dos dia pa sali rumbo pa Corsow. Durante su estadia riba nos isla Prins Willem Alexander a cumpli satisfactoriamente cu un agenda hopi congestionada di actividadnan cu a ser programa en conexion cu su bishita special. Prins heredero di monarquia Hulandes a logra cautiva interes y atencion di nos pueblo. Bon Dia Aruba ta desea Prins Willem Alexander un bon viahe y un pronto regreso na nos pais.

**Jerry Rasmijn lo  
 retirá como  
 Presidente di SEPA**

► 3

**Q!-line**  
 VOOR  
**Lampen**  
 Bubali: tel: 871522

## Wing Tung Home Center

Rudolf Adendsstraat #4 - Tel: 889992

### Special Sale

**TIN 20% DESCUENTO**  
 riba tur muebles pa Dia di Mama,  
 nos a caba di ricibi mercancia  
 nobo for di Merca, China,  
 Europa y na super bon prijs.



### FOR SALE

by owner (medical doctor)



Perfect condition  
 Full equipped, automatic,  
 power steering,  
 CD Player  
 airco, airbags  
 47.000 miles  
 Serve: Drive motors  
 Now: \$14.350  
 Call Call 931222 or  
 826972  
 after 6:00 pm



# Prins Willem Alexander a cautivá tur hende pa su simpleza y su interes pa topa cu hendenan di Aruba

ORANJESTAD-Subishita tabata cortico pero den un forma impresionante y unico, Su Alteza Real, Prins Willem Alexander, a logra cautiva interes y atencion di esnan cu a topa cuné y tambe a bai miré.

Apesar di e poco informacion riba su bishita, Prins Willem Alexander a bolbe confirmá cu e pueblo di Aruba, ta un pueblo cu ta stima su famia Real.

Kizas e momento mas emotivo, a tuma lugar na e Monumento pa esnan cu a sirbi cen Schutterij y den e Cuerpo di Boluntarionan durante Segunda Guerra Mundial, kibrando protocol pa combersá c'un grupo di heroenan di nos país, kendenan tin añanan largo luchando pa nan derecho y reconocimiento.

Un grupo di veteranonan di guerra tabata presenta y durante di henter e acto ceremonial, por a sinti e ambiente special pa cu e grupo di hendenan, kendenan tabata dispuesto pa entrega nan bida pa defende nan isla.

Principa Willem Alexander



tambe a sinti esaki y dado momento a viola reglanan y protocol, asercando esnan cu a sirbi Aruba y intersenan di madre Patria Hulanda, durante e horribel guerra aki.

Un gesto cu a ser aprecia masha hopi mes pa e veteranonan, kendenan a sinti nan mes honrá cu e palabranan di gradecimento, expresá pa r Principe heredero.

Mainta tempran tabatin varios bishita riba programa, entre otro serca Gobernador mr. Olindo Koolman, sigui despues pa un bishita na Consejo di Minister, caminda el a ser ricibí pa un grupo di trahadornan sumamente entusiasma pa miran Prins.

Na varios di e sitionan aki, e Principe tabata superá cordon di seguridad, pone un banda reglanan protocolario, pa aserca e publico y saludá nan den un forma unico y special.

Ta durante di e gestionnan aki di Su Alteza Real pa cu e pueblo di Aruba, por nota e



gran entusiasmo cu tin den pueblo di Aruba pa famia di Cas Real. E simpleza di e Prins a cautiva tur hende cu a miré di serca y tur cu a bai na e sitionan pa mira e Heredero di Tromp di Cas eal Hulandes.

Cu su forma unico el a

fortificá e lazonan di famia Real cu e pueblo di Aruba y esaki ta loke mas a cautivá tur hende cu a mira y sinti esaki di serca.

Den oranan di anochi a sigui un recepcion na Willem III Toren caminda entre otro

tabatin un exposicion di Aruba su 15 aña di Status Aparte mientras cu despues e parti oficial di e bishita a termina y awe mainta e Principe ta Sali pa Corsow pa su bishita oficial di tres dia.

